



◆董拔萃

丙午年元日感賦

神州潮湧捲歡瀾，騏驎嘶風地脉寬。
世路嶙峋騰駿骨，雲程壯濶越重關。
九霄鵬翮迎曦暖，千嶂梅魂傲雪寒。
求索唯真昭本色，崢嶸歲月淬心丹。

有感 2026 年國共兩黨智庫論壇
在北京舉行

融冰匯智貴輸忱，矢志求和大道深。
寶島憂懷牽國脈，神州圓夢渴甘霖。
雲濤漫卷滄桑事，海宇長懸赤子心。
莫畏征途千萬壑，真誠終化鐵成金。

◆陳文震

採桑子·詠草庵殘梅

草庵寂寂殘梅瘦，石壁苔封。暮色朦朧，獨對寒枝憶舊容。
摩尼教跡滄桑後，往事成空。香杳蹤窮，唯有殘碑對晚風。

◆施榮煥

採桑子·和韻陳文震詩長
《詠草庵殘梅》

綠披華表香煙渺，竹翠松封。古廟濛濛，獨見寒梅尋聖容。
海絲遺跡摩尼佛，四大皆空。追憶無窮，尚樹雄姿展勁風。

◆子偉

春濃南北橋

臘近王彬客若潮，花園口上彩旗飄。
香凝嘉果祈豐歲，聯映朱扉念舊寮。
千店張燈星斗近，萬人駐足物華饒。
莫言異域鄉情厚，春信先臨南北橋。

辭歲

椰風剪水煥雙瞳，海渚潮生送暮冬。
杓轉南溟歌韻永，帆懸碧落物華濃。
千重浪淬漁家志，一島春融客子蹤。
掬得珊瑚聽歲語，濤聲伴我候晨鐘。

八聲甘州·客次元旦

憶昨宵爆竹鬧掀天，歌舞捲春潮。
望煙花散彩，街燈黯影，幽夢難消。
巷弄歡聲猶繞，喜氣漫城飄。獨對窗間月，心海狂飆。

今早長街岑寂，剩車痕幾道，門掩樓高。
歎繁華易逝，轉瞬便蕭條。念家山、圍爐時候，定有人、記掛客程遙。
凝眸際、凍雲開處，紅日昭昭。



中元
將近年關喜氣騰，立春先報馬年
吉高照身康健，詩友同歌福壽
財源進，業長興，闔家團坐話深
燈情。八方送禮皆和遂，萬事如花聚彩
梅枝喜鵲門霜妍，槐穀農家過小年。
祭竈送神言好事，歲新有福凱歌傳。

詠別冬
別雁秋風落葉涼，岷灣細雨洗寒霜。
田畦喚季時間早，慣看蕉椰倩海棠。
冬風將至冷寒天，辛苦勤勞又一年。
遠望他鄉思故土，祈求歸去觀音泉。
祈求
湯圓餃子肉包餡，登椅臨門盼娃娃。
忽聞夜深來電話，今年過節不回家。

◆陳挺

八聲甘州·客次元旦

看今朝戶戶迎新元，陽氣遍江山。
盡嘉聲吉語，萬家心願，兩字平安。
到處嫣紅姹紫，南海最春先。日暖東風笑，履道清歡。

開歲初頒鳳曆，記如歌歲月，似水流年。
恰有情芳草，晴影碧連天。正怡和、乾坤交泰，象昭回、生意滿人間。
爭贏得、蠻花雨潤，五色毫端。

丙午立春

江南信息鴨先知，北國猶寒柳未絲。
老去難為思雁木，春來不擬問龜著。
風雲變幻蒼龍吼，天數輪迴赤馬馳。
空對紅塵悲丙火，劫灰消弭幾何時。

乙巳除夕

客裏又逢除舊時，輪回節序總如期。
更闌守歲聽雞唱，曉近迎春看馬馳。
醉夢胡言三宿戀，閒愁強賦一年詩。
東皇今夜催花信，想見明朝發嫩枝。

辭歲

風刀霍霍剪雙瞳，門柄潛移迫暮冬。
世味渾同年味淡，人情不共物情濃。
誰憐潘鬢多如雪，自嘆沈腰瘦似蜂。
窗眼殘星容我數，忍聽辭歲五更鐘。

◆王承天

除夕

六合陽回盈淑氣，身居異域已花妍。
節臨歲晚燦燈火，意湧筆端迎馬年。
香入千門風送暖，寒消此夕家團歡。
人間至味親情最，境泰時和世大安。

立春

臘鼓聲催迎立春，寒梅競放履痕新。
可期豐稔臨來歲，每到年關思故親。
志壯已成雲水淡，顏衰未改性情真。
人間至味歸閒處，且喜居家有德鄰。

立春後隨筆

揮筆迎春詩一篇，陽和柔動鵲聲歡。
飛蹄碎雪消污穢，逆水游魚起漪瀾。
不嘆流年催鬢改，且隨勝景淨心觀。
地球幾歷滄桑變，尚喜國強黎庶安。

春返人間

東君跨馬返人間，潑彩山巒物象妍。
凍柳方思婀娜舞，寒梅已著韻香傳。
迎春揮筆酬新歲，勵志懷友仰古賢。
笑對流年拋俗慮，花光鳥語滿心田。

西江月·閒吟

難忘人間憂樂，淡看身外浮。
樂於史卷覓知音，夢與前賢暢吟。
晝夜輪流循律，雲水翻騰隨心。
家居雖陋愜情深，寄此餘生靜襟。

西江月·馬年春節菲島閑吟

競放煙花辭歲，歡騰龍舞迎年。
奮蹄俊馬福攜還。六合換顏，瑞氣滿人間。

漢字門樑耀眼，紅燈街道輝天。
菲華融洽誼情綿。恭喜笑聲、井市口聲傳。

◆施滄液

鷓鴣天·除夕有寄

除夕今朝有點寒。家山在望隔雲端。
異邦羈客歸無計，佳節浮生得自安。

詩腸澀，酒鄉顛。艱難半醉半醒間。
奈何歲月催人老，豈是新春可改觀。



◆亦勵

昂首長嘶震域中，騰雲奮起動蒼穹。
鬣飛映日追流電，蹄疾翻霜劃彩虹。
但借崑崙千疊雪，漫搏瀚海九霄風。
山河一望豪情壯，更向無垠任騁雄。

◆老頑童

步虛詞

大汗徵騎剽壯，鐵蹄沾地剛強。
隨軍萬里踏天方，歐亞聞嘶膽喪！

韓幹神來構創，悲鴻墨底風光。
鬣毫妙手破空揚，記取雄姿盛況。

◆農夫

破陣子

絲路親邦踏雪，沙場破敵披霜。
不息勳人勤進取，驍勇催人更自強。
神州添吉祥。

辭舊迎春詠馬，幾番閱盡滄桑。
圈養棚欄成戲物，逐命場中為賭狂。
已無昔日光。

◆工友

返步奉和農夫兄破陣子

馱過雲長破陣，曾隨呂布輸光。
蜀漢三分成定局，不讓曹瞞獨賣狂。
從流歸海桑。

牲類品佳出色，駒群質棒呈祥。
南北東西由我聘，春夏秋冬筋骨強。
天寒最耐霜。

◆宸馨

鷓鴣天

仰首嘶風嘯雲天。
奮蹄踏雪冷雕鞍。
身披霞色馳荒野，勢壓林聲躍百川。

巡大漠，戍雄關。
縱橫疆界歷烽煙。
神姿凜爽何曾改，汗血鹽車駿骨寒。

◆少峰

馬家春慢

冰骨錚錚，奮蹄踏雪，競逐狼煙馳道。
皓月寒沙，戰功赫然迎風嘯。
天駟行空駕霧，似雷掣雲馳騰矯。
歷盡千戈壓強軍，凱樂歡歌報。

嘶風陌阡春曉。
記當年穆滿，纓綫垂耀。
汗血鹽車，傲霜沾足，神驄奇寶。
吟頌驍驪志遠，老益壯、結環銜草。
待破陣榮歸，再展凌霄豐貌。

◆中元

鷓鴣天

千里邊關走萬年。
刀光劍影破狼煙。
塞雲有跡霜披雪，瀚海無垠初月彎。

風怒吼，緊隨然。
五花鐵骨寄潼關。
揚鞭躍馬封蹄奮，罕見衝鋒跨玉鞍。

◆惜貞

莫是飛仙山嶺越，鬣毛晃動自休休。
金羈漫逐春回暖，紅日相催臘盡酬。
賀歲雄姿攜遠志，嘶風勁骨振新猷。
奮蹄呼嘯聲千里，昂首穿雲下九州。

◆客寧

古原馳萬馬，四海日光寒。
凌燕飛蹄起，奔騰捲巨瀾。

◆王承天

蹄聲疾處起煙埃，千里迎祥載福來。
伏櫪每懷借聖主，嘶風欲伴響霆雷。
鬣揚峰嶽驚魑魅，尾掃川原蕩疫災。
老驥何曾悲落日，紅塵自有識英才。

◆老頑童

正史揚名代代驕，功勳駕格世之嬌。
烏騅殞主烏江絕，楚霸聞風楚調嘹。
玉成平貴征西界，須害寶釧守寂寥。
天竺取經輸法典，佛光華夏搭通橋。

◆醺人

飛蹄的嗒踢沙塵，協進交流氣勢伸。
遇鼠冤家哀忌剋，尋龍搭檔顯精神。
秦瓊志短沿街賣，李白情長靠腹陳。
五路英豪當寶貝，緣因代步力千鈞。

◆松濤

青驄赤兔踏雲來，璀璨祥光甲地開。
八駿飛馳凌紫電，雙驪迅騫勝奔雷。
東風應許輕蹄疾，臘雪漫將歲月催。
暖入梅香疏影瘦，駟騏奮逸駕春回。

◆陳挺

吾生八十老華顏，兩歷人間丙午年。
赤兔行空聲得得，紫駢踏水影翩翩。
春風玉勒妨爭騎，夕照塵鞍不忍鞭。
伏櫪嗟無千里足，燕昭市駿亦徒然。

◆施榮煥

金鞍玉勒聘神州，踏破風雲任傲游。
赤兔奮蹄追日月，烏騅昂首著春秋。
曾隨壯士平強寇，亦伴英雄作侶儔。
午歲揚鞭迎瑞氣，一聲嘶嘯建勳猷。

◆凌子卉

靈蛇辭臘氣炎狂，金馬迎春奮勢揚。
趁此朝暉時睨睨，換來新泰共翱翔。
縱橫草野嘶戈伐，砥勵沙場救陣亡。
最是為民寧汗血，從來取義不論長。

